



國家清史編纂委員會·文獻叢刊

五編

清代稿鈔本

第三二六冊

國家清史編纂委員會・文獻叢刊

五編

清代稿鈔本

第二二六冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社
·廣州·

第二二六册目錄

奇零草 一

流覽堂詩稿殘編 一〇一

孫奇逢讀書札記 二五七

陋軒詩 三七九

奇零草

不分卷

張煌言 撰

鈔本

梁基永藏

奇零集

王貴忱謹題



廢翁寄零草後序



甲辰七月望後八日予病暑偃卧林中有書夜來書曰蒼水張公被執至矣予驚起問故曰公自延平既歸張軍治上聲援俱絕六



月間散遣士卒隱居島中而每資糧於普陀提督張杰知之令奸

僧爲導率^健卒數十人偽爲僧服奪米舟以濟島中不知也遙以爲^望

米舟至及至帳下衆始覺而公已被執矣予亟往覘之見公晉帛

葛袍直立牙門外神色自若左右令公從角門入公不動杰知之

令啟中門入公長揖杰遂延公入內上座且以好言慰公公仰屋

梁嘆曰此沈文恭公故地耶二十年前予嘗會文於此終無他言

志令僦民舍以寘公列卒守之至夜半忽一校隔窓鳴牧羊記內
蘓武罵李陵調音調激慤公擊節稱善校亦有心人哉越旬日檄
公至省志命以四人輿公前後列騎導從公至城門令駐下輿北
向稽首曰臣志畢矣復向城拜曰某不肖徒苦故鄉父老二十年
有幸屬望又再拜曰自此不復見張氏宗廟矣道傍觀者數千人
無不流涕至杭總督趙廷臣不見令盛設供帳以禮待公且謂諸
降弁曰爾輩舊主也盍往見之於是爭以酒食饋公公是以有聞
樂放歌諸作臨刑口占絕命詞令人書之偶訛一字不能改正公
公笑曰他日自有知之者客羅子木一童子皆不屈死時甲辰元

月七日也公之被難始末如此此奇零草乃公所自定而採薇集則釋兵後作公自注起甲辰六月而七月被執矣讀斯二集公二十年之行事始末具可概見時一卒為余言公帳下積書充棟旁置一棺棺中貯米數斗牀頭利劍一被執時遽起拔劍而以帳蒙公遂不及公之志何如哉嗚呼公之功業天下共知之矣公之文章天下未必盡見之也公之忼慨赴難天下共見之矣公之從容就義天下未必盡知之也茲於去年幸購得公草而採薇集更幸為公手稿因并公遺文及臨難諸篇彙錄成集記其始末以俟後之採焉

奇零草一卷明忠烈四明張文烈公遺
集也文烈殉國後文字俱入禁毀是書世
無刻本此清康熙鈔本歷劫不磨藏印
累累知古人之重忠孝文字如此
明亡後第六甲申禮生記於香河



奇零文草



四明蒼水張煌言著



自序

余自舞象輒好為詩歌先大夫慮廢經史每以為戒遂輟筆不談
然時竊為之及登第後與四方賢豪交益廣往來贈答歲久盈篋
會國難頻仍余倡大義於江東殺甲敵千凡從前雕蟲之作散亡
殆盡矣于時出籌軍旅入典制誥尚得於餘閒吟咏性情及渡馬
漢江而長篇短什與疏草代言一切皆付之兵燹中是誠筆墨之
不幸也余於丙戌始浮海經今十有七年矣其間憂國思家悲窮

憫亂無時無事不足以響動心脾或提兵北伐慷慨長歌或避庑
長征寂寥低唱即當風雨漂搖波濤震盪能令孤臣戀主遊子懷
親豈曰亡國之音庶幾衰世之意乃丁亥春余舟覆于江而丙戌
所作亡矣戊子秋余節移于山而丁亥所作亡矣庚寅夏余率旅
復入於海而戊子已丑所作又亡矣然簡斷編十存三四迨辛卯
昌國陷而笥中草竟靡有孑遺何筆墨之不幸一至此哉嗣是綴
緝新舊篇章稍稍成帙丙申昌國再陷而亡什之三戊戌又舟覆
於洋山而亡什之七已亥長江之役同仇兵燹余以間行歸凡留
供覆瓿者盡同石頭書郵始知文字亦有陽九之厄也年來嘆天

步之未夷慮河清之難俟思借聲詩以代年譜遂索友朋所錄賓
從所抄次第之而余性頗強記又憶其可憶者載諸楮端共得若
千首不過如金甌一鬻耳獨從前樂府歌行不可復憶故所訂幾
若廣陵散嗟乎國破家亡謬膺節鉞既不能討賊復仇豈欲以區
區有韻之詞求知後世哉雖然少陵當天寶之亂流離蜀道不廢
風騷後世名為詩史陶靖節躬丁晉褐解組歸來著書必題義熙
宋室旣亡鄭思肖尚以鐵匣投詩笥井中至三百年而後出夫亦
其志可哀其情誠可念也已然則何以名奇零是帙零落凋亡已
非金豹壁猶兵家握奇之餘亦云余行間之作也

十六年歲在壬寅端陽後五日張煌言識

奇零文章目錄

自序

冰槎集引

上監國魯王啟

上魯王啟

上監國魯王啟

壬寅

上監國魯王啟

陳南北機宜疏

祭監國魯王表文

復田提督張鎮王海道書

復江南諸文武書

答毛參謀書

答王安撫書

與張承恩書

答唐牧臣書

祭山神文

祭平馬侯周九苞文

祭延平王文

祭定西侯張侯服文

祭建國公鄭羽長文

賀延平王啟

上延平王書

辛丑

答閩南縉紳公書

答延平王長子書

復盧牧舟大司馬書

復曹監軍書

陳文生未焚草序